


БҮРЯАТА ФНЭН

Бүгэдэ арадай сонин

1921 оной
декабрийн
21-нээ гараг

2000
ИЮЛИН
26

Нажарай һуул
харилсан хээн
газын
25
гарагай 4
СРЕДА
№90 (20297)



Засагай

дээдын зургаануудта

ТУСХАЙ ДУГААР

АН АМИТАДЫЕ - ГҮРЭНЭЙ ХИНАЛТА ДОРО

Республикын Правительство тусхай тогтоол абажа, Баргажанай аймагай Улюнхаанай ба Яруунын аймагай «Кодинский» гэхэн гүрэнэй заказнигуудай хүдэлхэ болзорые хунаагаа, мүн тэдэнийе республиканска удаха шанартай гүрэнэй байгаалиинг биологическа заказнигууд гэжэ нэрлэбэ.

Эдэ заказнигуудай хүдэлхэ болзор 5 жэлээр хунаагдаба. Энээнһээ гадуур эзэлхэ талмайнуудын, хилэнүүдын тодорхойлогдоо, мүн тэдэнийе хамгаалха зорилгонууд ба журам хараалхан зохихо дүримүүд зохёон табигдаа. Нэрлэгдэгшэ хоёр заказнигууд урдынхидаал мэтэ Буряад Республикада ан амитадые хинаха, хамгаалха болон хэрэглэгынь гуримшуулха талаар управлениян мэдэлдэ байха юм.

Ан амитадые хамгаалха тусхайтаар томилогдоһон газарта тэдэнийе агнаха, шубуудай уурхайнуудые, тайгын эзэдэй эшээнүүдые болон бусад байрлалан газарнуудынь һандаргаха гэшэ онсо хоржуултай.

Буряад Республикын Президентын болон Правительствын хэблэлэй албан.

МЭРГЭЖЭЛТЭД ПУТЁВКОНУУДАЙ СЭНГҮҮДЫЕ ХИНАНА

Буряадай Правительство «2000 ондо хүүгэд болон эдиршүүлэй амаралта эмхидхэхэ, тэдэнийе элүүржүүлхэ ба ажалаар хангаха тухай» гэхэн тогтоолоор РБ-гэй Экономикаын болон гадаадын холбоонуудай министрствын дэргэдэхи Сэнгүүдэй комитетдэ ажахын тэдхэмжэдэ хэгдэхэ гаргашануудые шалгаха хубидань хүүгэдэй элүүржүүлгын лагерьнуудай путёвкын юрэнхы сэнгые зүбшэн зохилдуулха хэрэг даалгаба.

Социальна страхованин жаса тогтоогдоһон гурим хараада абажа лагерьнуудта хүүгэдэй эдэе хоол эмхидхэлгээр сметэнуудые шалгаба. Сэнгүүдэй талаар комитетдэ үгтэһэн мэдээнүүдээр мүнөө зуидаа 53 лагерьнуудта хүүгэд бие махабадаа элүүржүүлнэ, амарна.

Республиканска эмхидхэлэй комитетдэй шийдхэбэрээр хүүгэдэй амаралтын путёвконуудай сэнгүүдые яаралтайгаар тодорхойлын тула 2000 оной майн 17-һоо 15 лагерьнуудта тусхай шалгалтагуйгөөр, зүбшэн хэлсэгдэнгүйгөөр путёвкын сэн тодорхойлогдоһон байна. Харин бэшэ элүүржүүлгын ба санаторно гуримтай лагерьнуудта тэдэнийе ажахын талаар тэдхэлгэдэ хэгдэхэ бүхы гаргашанууд партинар шалгагданан байна. 1999 оной байдалтай сасуулхада, хүүгэдэй лагерьнуудай путёвкын сэн 30 процентээр дээшэлһэн байна.

Үнгэрһэн жэлэйхидэ ороходоо, байгша ондо лагерьнуудта хэгдэхэ гаргашанууд экономика үндэһэ баримтатой материалнуудта батадхагданан байба гэжэ онсолон тэмдэглэмээр. Путёвконуудай сэнгүүдые хэр зүбөөр тооложо гаргаа гэхэн шалгалта имэ дүнгүүдые харуулба.

10 үдэрэй хонолотой элүүржүүлгын лагерьнуудта 1 путёвкын сэн 460-һаа 1736 түхэригтэ, харин санаторно түхэлэй лагерьнуудта 1644-2310 түхэригтэ байба. Путёвкын сэн лагерьта амарха болзорһоо, хангалгын хэмжээнһээ, тэрэ тоодо медицинан хангалтануудые оруулагатайгаар, дулдыдаа.

Байгша ондо «Котокель» (ООО «Турист»), «Верхняя Березовка» («Байкалкурорт»); «Патриот» (Тарбагатайн районой эрдэм һуралсалай таһаг), «Звездный» (Улаан-Үдэ хотын Октябрьска районой социальна хамгаалгын таһаг) гэхэн лагерьнууд түрүүшынхиейэ гаргашануудай сметэ бэлдэжэ үгһэн байна.

Гэхэтэй хамта путёвкын сэн тооложо гаргахандаа ажахын гаргашануудые үндэһэ баримтагуйгөөр дээшэлүүлхэ ушар дайралдана. Энээнһээ уламжалан хүүгэдэй путёвконуудай хамтын сэн дээшэлнэ. Илаггаяа инвестгарь худалдажа абаха, транспортын гаргашанууд, заһабарилга элшэ хүсэ хэрэглэгэ, түлишэ (түлээн, шулуу нүүрһэн) гэхэн статьянуудтаар хэгдэхэ гаргашанууд дээшэлүүлэгдэнэ гэжэ онсолмоор. «Старт», «Надежда», «Чайка» болон «Байкальские волны» гэжэ нэртэй эрдэм һуралсалай управлениян лагерьнуудта инвентарь худалдажа абаха гэхэн статьягаар гаргашануудые доошолууланан ашаар 1 үхибүүнэй путёвкын сэн 40-һөө 370 түхэриг хүрэтэр доошолуулагдаа, харин «Чивыркуй» лагерьта 88,6 түхэригөөр, «Уголёк» (Сэлэнгын РОО) - 72,2 түхэригөөр, «Алла» (Хурамхаанай аймаг) - 45,7 түхэригөөр, «Березка» (Минздрав) 47 түхэригөөр путёвкын сэн бага болгогдоо.

Тэрэшэлэн «Звездный» лагерьта 1 путёвко ашаглалгада транспортна гаргашанууд 2 түхэригөөр, «Хакусы» лагерьта 116,6 түхэригөөр доошолуулагдаа. Энэ статьягаар гаргашануудые дээшэлүүлһэн ушар Улаан-Үдын авиационно нэгдэлэй «Дружба» лагерийн сметэдэ дайралдана. Энэнь 107,5 түхэригөөр дээшэлүүлэгдэе, харин Сэлэнгын аймагай эрдэм һуралсалай таһагай «Щучье» лагерьта энэ статьягаар 41,9 түхэригөөр гаргашын хэмжээн дээшэлүүлэгдэе.

Зарим лагерьнуудта хүсэд баталалгагүйгөөр заһабарилгын хүдэлмэринүүдые дүүргэхэ ажахын гаргашануудай сметэ табигдана. Энэ шалтагаанаар «Надежда» (Муйскын район) лагерьта путёвкын сэн 17,8 түхэригөөр, мүн лэ энэ районой «Родничок» лагерьта 100,8 түхэригөөр доошолуулагдаа. Хорин аймагай «Наран» лагерьта энэ статьягаар 32,2 түхэригэй нэмэлтэ хэдэн путёвкын үнэ сэн үндэһэ баримтагуйгөөр дээшэлүүлэе. Тэрэшэлэн МВД-гэй «Костёр» лагерьта 47,4 түхэригөөр, «Бурятмясопром» акционернэ бүлгэмэй «Байкал» лагерьта 50 түхэригөөр үлүү гаргаша энэ статьягаар хэгдэхэ гэжэ мүн лэ путёвкын сэн нэмэгдэе.

Элшэ хүсэ хэрэглэгэ тухай статьягаар путёвкын сэнгүүдые дээшэлүүлгэ хадаа элшэ хүсэ гаргашалха хэмжээ дээшэлүүлгээр, мүн 2000 оной май һараһаа эхилжэ хүнгэлэлтэтэй тарифаар элшэ хүсэ хэрэглэһэнэй түлөө түлбэри оруулха арга хэрэглээгүй байһан ушараар тайлбарилгадана. «Верхняя Березовка» лагерийн путёвкын сэн 127 түхэригөөр, «Уголёк» - 53,7 түхэригөөр, «Гэсэр» (Захаминай аймаг) - 25,7 түхэригөөр дээшэлүүлэгдэе. Элүүржүүлгын лагерьнуудай 2000 оной сметэнуудые бүхы дээрһэн абажа хараһан дүнгүүдые согсолходо, Сэнгүүдэй талаар комитет үндэһэ баримтагуйгөөр дээшэлүүлгэдэбшье, зүгөөр энэ албан зургаанай оролдолгоор путёвкын сэн доошолуулагдажа, 930,3 мянгаг түхэриг алмагдаба.

Гэхэтэй хамта Сэнгүүдэй талаар комитетдэй хүдэлмэри хадаа путёвкын сэнгүүдые зүбшэн хэлсэжэ, заабол доошолуулха гэхэн шэглэлээр ябуулагдана бэшэ, харин түбхын түрүүндэ лагерьнуудай эмхи гуримтай ажал хангаха зорилготой.

В.КИЕНКО,
РБ-гэй Экономикаын ба гадаадын холбоонуудай министрствын дэргэдэхи Сэнгүүдэй комитетдэй ахалагша мэргэжэлтэ.

Россин Федерациян Президентын Зарлигууд

РОССИИ ФЕДЕРАЦИИН ГҮРЭНЭЙ ШАГНАЛНУУДААР ШАГНАХА ТУХАЙ

Гүрэн түрын үмэнэ габыятай байһанайнь, соёл болон искусствода үни удаан саг соо аша үрэ ехэтэй ажал ябуулгынь болон арадуудай хоорондохы хани барисаа, харилсаа холбоо бэхижүүлгэдэ горитой хубитаяа оруулһанайнь түлөө шагнаха гэбэл:

ХАНИ БАРИСААНАЙ орденоор
БРОЙКО Вадим Михайловиче - Буряад Республикын Н.А.Бестужевой нэрэмжэтэ гүрэнэй ороддрамын театрай ахмад уран зурааша.

Россин Федерациян Президент В.ПУТИН.

Москва, Кремль
2000 оной июлиин 4
№1245

Гүрэн түрын үмэнэ габыятай байһанайнь, элүүрые хамгаалгые хүгжөөлгэдэ горитой хубитаяа оруулһанайнь, үни удаан саг соо аша үрэ ехэтэйгээр хүдэлмэрилһэнэйнь түлөө хүндэтэ нэрэ зэргэ олгохо гэбэл:

«РОССИИ ФЕДЕРАЦИИН ГАБЬЯТА ВРАЧ»
БЫКОВ Александр Дмитриевичтэ - Н.А.Семашкын нэрэмжэтэ Буряадай республиканска больницын ахмад врачай орлогшо;
ЛЕСИНА Людмила Викторовна - Буряад Республикын Баунтын аймагай территорияльна медицинан нэгдэлэй врач.

Россин Федерациян Президент В.ПУТИН.

Москва, Кремль
2000 оной июлиин 17
№ 1106

Экономикаын болон финансын ажал ябуулгын талаар габыятай байһанайнь түлөө хүндэтэ нэрэ зэргэ олгохо гэбэл:

«РОССИИ ФЕДЕРАЦИИН ГАБЬЯТА ЭКОНОМИСТ»
АТРИКОВА Прасковья Ивановна - Буряад Республикын Улаан-Үдэ хотын «Финаудит» бүлгэмэй генеральна директор.

Россин Федерациян Президент В.ПУТИН.

Москва, Кремль
2000 оной июлиин 20
№ 1148

Буряад Республикын Президентын Зарлигууд

БУРЯАД РЕСПУБЛИКЫН ХҮНДЭТЭ НЭРЭ ЗЭРГЭЙҮҮДЫЕ ОЛГОХО ТУХАЙ

Агропромышленна үйлэдбэрийе хүгжөөлгэдэ габыятай байһанайнь үни удаан саг соо оролдосотойгоор хүдэлмэрилһэнэйнь түлөө Яруунын аймагай «Комсомольский» совхозой хүдэлмэрилэгшэдтэ «БУРЯАД РЕСПУБЛИКЫН АГРОПРОМЫШЛЕННА КОМПЛЕКСЫН ГАБЬЯТА ХҮДЭЛМЭРИЛЭГШЭ» гэхэн хүндэтэ нэрэ зэргэ олгохо гэбэл:

БАТОМУНКУЕВ Очир-Даши Цыреновичтэ - пенсионер;
БАТУЕВ Базаржап Цыдыповичтэ - зоотехник-селекционер;
КУСКЕНОВА Ринчима Базаровна - зоотехник-селекционер;
ЛАНЦЕВ Владимир Васильевичта - машинно-тракторна паркын механик;

ШЕЛЕХОВ Николай Афанасьевичта - пенсионер.
Буряад Республикын Президент А.В.ПОТАПОВ.
Улаан-Үдэ хото, Правительствын байшан
2000 оной июлиин 19
№ 145

БУРЯАД РЕСПУБЛИКЫН ГҮЙСЭДХЭЛГҮЙН ЗАСАГАЙ ЗУРГААНУУДАЙ ХҮДЭЛМЭРИЙН ДОЛООН ХОНОГ

Table with columns: Үнгэргэх сар, Хэмжээ ябуулганууд, Гүйсэхдэгшд. Content includes detailed descriptions of government projects and the officials responsible for them.

БУРЯАД РЕСПУБЛИКЫН АРАДАЙ ХУРАЛАЙ 2000 оной ИЮЛИЙН 24-нөө 28 БОЛОТОР ТҮСЭБЛЭНЭН ХЭМЖЭЭ ЯБУУЛГАНУУД

Table with columns: Хэмжээ ябуулганууд, Үнгэргэхсэ нара, Үдэр, сар ба газар. Content lists various state projects and their corresponding budget allocations.

